

***Ich lerne töitschu***

Méis chinn,  
déin gséllji un déin schulmeischtra hen ghannut vür dich diz  
büjilti.

Dêchi hen gweerhut um der helfen z'nöit vargessen d'réd  
van déis lann un z'génh wélljen chonnun mia.

Tu's brouchen geere un, oan scheemi, schwézt un lerni  
d' Eischemtöitschu.

Dêchi gwüntscher as guts weerch!

*Caro bambino,  
i tuoi compagni e i tuoi insegnanti hanno predisposto per  
te questo semplice testo.*


*Ti dedicano il loro lavoro con la speranza che possa esserti  
di aiuto per conoscere meglio la lingua del tuo paese.*


*Si augurano che tu possa consultarlo con gioia e  
contribuire ad arricchirlo con nuove idee.*

*Buon lavoro!*




D' chinn goan in d'schûl





Téini ischt as töchterlji.



Mattili ischt as boffilti.



**Ich heisse Téini**

Ich hen secksch joar.


Ich bin a schuleri van Eische.

**Ich heisse Mattili**


Ich hen acht joar.

Ich bin a schuler van Eische.


In d'schûl brouchmu:




z'gummi




z'büji




dan kajer




z'ganiffji




d'veedru




z'khoaltji




z'grejunh



z'kre



dan schûlbankh



z'tàblo




d'malletu

d'karriu



## In d'schûl



## **In d'schûl**

D'schûlmeischtiri zeichut.

Téini rechtnut.

Giulia luast.

Luisa leest.

Laura machut déssinh.


Mattili schréibt ouf im tàblo.



Wir grüßen



Guten muarge!



Guten tag!



Guten oabe!



Gut nacht!






**h**


hous



hunn



hann



hümmil



heers




holz

**w**




wollu



wasser




winneebal



wetter



weidu



weg

## Ich zéllje



eis



zwei




dröi



viri



vünvi



sekschi



sibni



achti



nöini




zieni


# llj



zibellju



blljümu



vlljoeigu



pavelljuru




chöttillji




vinhirllji



## Méin Iljéib




## Z'hopt





## Eis - Mia den eis



Z'aug  
z'uar  
d'akslu

*d'auge  
d'uare  
d'aksli*

dan oarm  
d'hann  
da vinher

*d'oarma  
d'hénn  
d'vinhgra*

z'bein  
da vûss  
di zielu


*d'bein  
d'vüß  
di zieli*

## Wi was?

Heen as hopt	wi	a(n) chuarb.
Heen zénn	wi	wüpfí.
Tschualts	wi	z'aug.
Hénn	wi	a hechju.
Waksen	wi	a(n) stein in a(n) mouru.
Schwitzen	wi	an bach.
Lachen	wi	as tockhji.
Heismenz	wi	a(n) chatzu.
Khörlus	wi	an dollj.
Gsünz	wi	an klocku.

## Z' hous

Z'hous ousterhalbu (van ousna)



1 - z'tach

2 - z'chömmi

3 - da schopf

4 - di tür


5 - d'fentschtru

6 - z'balkunh

7 - d'mouru

8 - d'staffla








An ketschu zan Uabre Rollju

## Z'hous innerhalbu (van inna)

Unna séin:  
dan goade, da hénjuchruame,  
d'kroatu - da chéller.

Uabna séin:  
z'hous, dan ganh, dan piellje.

Z'uabruscht séin:  
d'speischoamru, di dilli, dan boeje.






# D'ketschu höit z'tagsch

z'gmeinhaus

dan gibbil



d'schloafchoamru

d'steegu




















d'soalu  
z'hous

z'garage

d'kruatu  
da chéller



# Ich zéllje

		élvi
		zwélví
		dréizeni
		virzeni
		vüefzeni
		séchzeni
		sibenzeni
		achzeni
		nöinzeni
		zwénzg

## D'fammellju






## D'fammellju



d'oaltu mamma – d'oaltun eju




dar oalt pappa – dar oalt attu



d'mamma – d'eju

**attu un eju**




dar pappa – dar attu



di töchter

**d'chinn**



dar su – dar bub


## Was essewer?



z'bruat




dan zücker




d'milch



d'fiddilsüppu



da réis




z'vléisch




z'ei



d'chröiter



d'fröiti



da chiesch


## D'fammellju am tisch



## Im hous



z'fornet




da laviur



z'ermiri






z'tisch



d'karriu



dan brunz




z'piat



z'klass




d'furkulunu - da löffil  
z'mésser




z'stadschera  
dan spéjer


## D'fröiti




dan öpfil



z'wéireebi




d'birru




d'hassunuss



d'chrisu



z'oranêchi




d'nuss



d'chéschténju

## Méin patti



z'flanelli



d'gallusunh



d'huasi



z'hémd



d'blousu



d'pantalunh



d'kottu



z'tricku



z'kleid



d'schu

Um goan réiten léck ich an:



d'houbu



d'schu um réiten



di dschacku




d'lünniti



d'pantalunh



d'héntschanha




z'tricku



d'skischnetza




d'lénhuhuasi




d'ski






schloss

**sch**



schnecku




schlussil



schu



schnia



schûl



schuler

## Z'lann unner da schnia



## Z' lann unner da schnia

Disch nacht hets **gschnout**.

Krat das s'nöit cheemi **dar küsch** süscht muare  
ischt bar **kwiechti**.

Über d'weega ischt a **lacke schnia**.


Wir müssun **strumpfun** um goan in d'schûl.

Noa dar schûl, wiar geit **schljittun** wiar roddut mit  
**schniaballi**.


## D'voarwini



ruat



wéiss



gelw



schwoarz



grün



groaw



hümmilbloaw



marronh



bloaw



rose



violet



noisette  
kaffimilchvoarwu



## Wi was?



ruats *wi* as putzin




grünz *wi* a soat



gelws *wi* an tüanu



bloaws *wi* an kütschutu



wéiss *wi* an patte



groaws *wi* as schoaf




schwoarz *wi* an cholle




ruats un wéiss *wi* an öpfil




**ch**




chatzu



chiébjü



chérzu



chu




bach




chilhu


Z'via




d'chu




z'chalb




z'lamm




z'schoaf




d'geiss




d'gitzu




dar hoanu




d'hénnju




z'lappinh



z'kiutzi





d'chatzu




dar hunn




d'gmoutun oandju



dar üeschil



z'schwéin



z'ross

## Proverbini

Khés lotz schwéin het nji areit khés woarmsch.

Wénn dar vucks ischt volli mouri, seder dâchi séji souru.

Da hunnher tut z'sortrun dar wolf van im woald.

Dar wolf machut nōit lammjini.

WI ...

Arvruarenz wi as schwéin.

Rawun wi an alpustir.

Schwérren wi lécken an tringiu am schwéin.

Stoan übbil wi an anthaldsut chu.


Mit dem kleid bischt wi a chatzu in a mallutu.

Varberruts wi mejersch Luppi.


Cheen van chu chalb.

Zin d'chatzi durch dan bach.

## Z'wart dar tschemmunu



d'chatzu njawut




dar hunn wupput




dar hoanu chriejt




z'kiutzi kiuckut




d'hénnju groaslut




d'chu brammurut



d'geiss reekut



dar üeêschil joutzt



z'schwéin wéjunurut



# Ündsch blljümi

z'édelveis

d'jöipunblljümu

di zwiveltvéjulettu

z'ssiklami

d'lljibigottschaugjini

d'sentiuhantsblljümu



# Ündsch bauma

da liarch


di tannu

d'birhu


dan ésch




d'oarbu



dan ahere



d'érlljiu



dan gürgentsch

# Ündêchi tschemmini

dar oaru




d'gémtschu




d'murmenu



da lattuch



da verdêschaz



z'lénghi



z'wannerllji



da steinbockh



dar voggal



d'pavelljiuru



dar hoasu

dar vucks



dar hoptschul





## D'seisonhi



d'oustaga



da summer



d'hérbscht



da winter

### **Is ischt d'Oustaga**

Di toaga wacksen.  
D'bauma argrünen.  
D'weidu wackst.  
Dar kucker sinht.  
D'bljümi tun d'schi artun.  
D'murmini arwachen.

### **Is ischt da Summer**

Is ischt woarm.  
D'chü sén z'alpu.  
Dar pour tut hoejun.  
D'hierulljöt cheen zu.

### **Is ischt d'Herbscht**

D'bauma cheen aller voarwunu.  
D'lauber réisen.  
D'chü antalpun.  
D'chinn arwinnen in d'schul.

### **Is ischt da Winter**

Di toaga sén churz.  
Is ischt choalt.  
Wir beitun dam schnia vür za Winnachte.  
D' chérzi éisch hanghen vam tach.

## Proverbini

Z'dor hoei vür d'chü un d'schul vür d'chinn  
séin nümmi n i meje  
z'guscht dinh das ma sinh.

Broahut, volli da hut, all moanada gnuk.

Sent Joakup mi dscheim schnetz in d'han,  
hüt, wért un vürt d'lljöit un z'lan.

Augschte voat, di hérbscht im groat  
Augschte lljéivrut, d'hérbscht in d'Lljeisu.

Wür d'Winnacht zan Benetschgoadi  
nuami d'möisch unner d'loadi.

Dar geivru d'hérbscht esst z'leid zéit  
un d'oustaga brinht z'is.



## D' moanada

Dar gruas moanut



Dar lljick moanut



Mérze




Oaberllje



Meje



Broahut



Hoeiju



Augschte



Setambrö



Oktobrö



Novambrö



Desambrö



## D' wuchu

Miantag  
Zéischtag  
Mittuch  
Vruantag  
Vréitag  
Samstag  
Sunnatag



**Höit** s'ischt .....

**Géschter** s'ischt gsinh .....

**Iegéschter** s'ischt gsinh .....

**Muare** s'ischt dén .....

**Über muare** s'ischt dén .....

## Was ich tun im tag

Da **muarge** phent bürrimich.



**Vürmittag** binnich in d'schul.



**Z'mittag** essich.



**Noamittag** binnich amum in d'schul.




**Vidder oabe** roddich zam hous.



**Nachtsch** schloafich.






**Z'zéit**

s'ischt heiter




s'wettrut




s'winnut




s'schnowt



s'schmeizt



s'ischt heelu



s'ischt da réipfe



## Wi was?

Wettrun wi gitzun tschapti.

---

Wettrun wi mi seil.

---

Goan aweg wi strau.

---

Hialz wi an koartu.

---

Lochs wi as sib.

---

Lljöiten wi an trindjiu oan challe.

---

Stotzen wi a(n) wan.

---

Grobs wi geestenz bruat.

---

Sinh wi üali ouf im toahe.

---

Sichers wi an groat.

---

## Oagutu chatzi

Sëin kcheen essen z'vörmis,  
eina wënn d'sunnu het zannit in Romitschial,  
d'andra wënn d'sunnu ischt gsinh in d'Fiöisuru,  
un di dritta wënn d'sunnu ischt gsinh in d'endrun Pioani.  
D'meischtiri henne mussun beiten un het nöit muan goan z'joa.

## Ich zéllje

- 21 - eis un zwénzg
- 22 - zwei un zwénzg
- 23 - dröi un zwénzg
- 24 - vir un zwénzg
- 25 - vüinv un zwénzg
- 26 - seksch un zwénzg
- 27 - siben un zwénzg
- 28 - acht un zwénzg
- 29 - nöin un zwénzg
- 30 - dréisg
- 40 - virzg
- 50 - vöfzg
- 60 - sechzg
- 70 - sibenzg
- 80 - achzg
- 90 - nöinzg
- 100 - hunnert.

## **Was will'z seen?**

Müssun lljöiten d'gruasun klocku.

Is varvoat mia chonnun den heen.

Nöit gsian wasser in die Doeiru.

Sinh trommuz mit dar aksch.

D'bekschutu springt nöit wéit wam stokch.

## **Eischemgseiti**

Um goan zar mesch un zar feiru,  
muss mu schrëjen allene,  
un beitun khementsch.

Tueten lljöt, arschütten d'nuss,  
un schouvlun schnia,  
sëin vargeebni weerchi,  
d'lljöt steerben selber,  
d'nuss vallen,  
un da schnia schmelzt.

D'schürfi hen auge,  
un d'wënni hen uare.

Z'vöir, z'wasser un z'geeld,  
sëin gut chnechta,  
wa schwach meischtera.

## Z'adventkuronni



### **Advent!\***

Advent! Advent!  
Ein Kerzlein brennt!  
Erst eins,  
Dann zwei,  
Dann drei,  
Dann vier,  
Dann steht das Christkind  
Vor der Tür.

\* as poesji töitsch





## Sent Nicolas

Sent Nicolasch kwoader  
in di tschappelu van  
Lomatò z' Greschòney.

## Dar heilig Nicolas

Da vünvegen desambrö,  
z'Greschoney, passrut  
dar heilig Nicolas.  
Er bringt guti dinhi  
allene da chinn:  
nuss un karmili,  
orandschini un öpfia,  
teckilljini un wuschpilljini  
un... weilu voart,  
an grétzu vür déi  
das nöit sein gsinh lljibi.  
Wol vergelzgott, heilig Nicolas!



## Is ischt Winnacht!



Jesuskindlein, komm zu mir,  
mach ein frommes Kind aus mir,  
mein Herz ist klein,  
darf niemand hinein als du,  
mein liebes Jesulein.\*

Frohe Weihnachten!  
Gut Winnacht!

\* as bett töitsch.



## Is ischt z'Naujoar!



- Hedder gvoagen a wol z'joar?
- Das dar Lljobi Gott schikhjini as gutz joar!



## Bettjini

Méin lljiben Gott  
schikhjinündsich an gut nacht  
elljenen zseeme,  
wi Der hennündsich gschikht  
an guten tag.

Gottsich ergans  
vür d'lljaubu sieli,  
das der Lljbibi Gott n'ündsich hüt  
ous tur ellji büeêchi dinhi,  
un das wir mieji wacksen  
gsünni, grechi un gwoaltigi.



## **Z'Poater**

Ündschen Atte das bischt im hümmil  
déin Noame ischt heiligi,  
das d'cheemischt an biten,  
das alz séggi wi d'willischt  
sua im hümmil wi vom heert.

Gib n'ündsch all Gottsch toaga  
ünz bruat. Tu n'ündsch varzin  
ündsch schuldini wi wir varzin deene  
das séin ündsch schuldig, loa n'ündsch  
nöit vallen im schwache weg  
wa hüt n'ündsch van allem übbil.

## **Z'Ave Maria**

Ich grüzen dich Maria, volz eerbit  
dar Lljbil Gott ischt mitter,  
di bischt gwîts inter ellji d'wéiber,  
un Jesus déin Su ischt gwîts.  
Heiligi Maria  
z'Lljiben Gottsch Eju,  
betti vür ündsch sünnara  
nunh, un in d'stunn van ündschen tuat.  
Amen.



### **... Um dâchi varkwélljen**

Dêchoakimi Dêchoakimi chîar dich um  
Ribulun kouzi mach déin tanz,  
Réivi Réivi schütt da vus  
Héntschen breeme sprinh im tanz.



## A spazirutu in d'Mühni

In d'Walku hewer zuahe ous  
as öpfilti ous tur d'malletu.

In d'Scheiti hewene gwüschpelljit  
das nündschi beiti.

Zu wolte wolte wi spazirun  
séwer arrivurut in Pressiru.

Doa hewinündschi gstrékt ouf in an krüp  
um nündschi loan passurun z'wia im rück.

Zu séwer arrivurut im Réich  
doa hewer anvana gsücht a spéis.

Séwer arrivurut in d'Mühni  
un doa hewinündschi gstrékt in d'grüni.

## Kuntji

- Dêchoallji méis Dêchoallji,  
was tuscht doa?
- Reschpun as wittji.



- Was tuscht mit dem wittji?
- Amprénnen as vöirllji.



- Was tuscht mit dem vöirllji?
- Lecken arwerme wasser.



- Was tuscht mit dem wasser?
- Schlljiffen as bîl.



- Was tuscht mit dem bîl?
- Trommun an tannu.

- Was tuscht mit der tannu?
- Machun a leitru.



- Was tuscht mit der leitru?
- Goa auf im hümmil  
gia z'Ljibigotsch lammji.



- Was tuscht mit dem lammji?
- Dêschis scheere.



- Was tuscht mit der wollu?  
— Dscha spinnen.



- Was tuscht mit dem woade?  
— Machun an déchi.



- Was tuscht mit der déchi?  
— Dscha zinn ouf un ab tur d'Lljéisu  
unz das ischt nassi wi a woase.





## Kuntjini

Dou jia bischt witzigs Pirubeck  
di loascht laufen z'wasser zam Steg  
hescht gsian töischun stein un stokh  
hescht noch nöit an groawe lokh.

Schloaf chin schloaf,  
ouf tur d'mattu séin  
kannhen zwei schoaf  
eis ischt gsinh as wéis un  
z'andra ischt gsinh as schwarz...



## Kuntji

Im iaste joar hous hän ich gbettut: Mein Ljibi Gott,  
sckickjemer as pulli!

Hoppi heist meis pulli.

Im zweite joar hous: Mein Ljibi Gott, sckickjemer as hoani!

Gri-gri-groa heist meis hoani.

In dritte joar hous: Mein Ljibi Gott, sckickjemer a chatzu!

Es-möisch heist mein chatzu.

Im vidrege joar hous: Mein Ljibi Gott, sckickjemer a hun!

Wupp-zu heist mein hun.

Im vünftege joar hous: Mein Ljibi Gott, sckickjemer as schoaf!

Wollun-zoaner heist meis schoaf.

Im segschege joar hous: Mein Ljibi Gott, sckickjemer an geis!

Leckh-soals heist mein geis.

Im sibtege joar hous: Mein Ljibi Gott, sckickjemer a chu!

Tréib-zu heist mein chu.

Im achtege joar hous: Mein Ljibi Gott, sckickjemer a chnecht!


Hack-bret heist mein chnecht.

Im nöintege joar hous: Mein Ljibi Gott, sckickjemer as wéib!


Dors-schéit heist meis wéib.

Im zientege joar hous: Mein Ljibi Gott, sckickjemer as chinn!

Lijöisch-grin heist meis chinn.









## As Kuntji... Peluntji

Höit bischt gsinh lljibs, méis chinn  
Mia den wass ich mich bsinn  
S'ischt worom war mian machun a chritz  
Wi va héi unz in Rosaritz  
In Rosaritz d'schat ischt zu phend  
S'ischt béssur goan oan beiton khémentsch.  
An gruase spruhn un war sén im Ronh  
Héi ischt vollz ammesi, wier weist worom!  
Un in d'Buadma was déngjischt dou vinnen?  
D'Gotta Méja das ischt drum z'spinnen  
Was tüder spinnen sua dra n un dra?  
As schienz mantal um bdéchjen méin ma  
Héi ischt z'vill weerch, s'ischt béssur war ganhi  
lévun das z'hoei séji léhns zwia spanni.  
Dar pour im Réich tunündsich sicher antfoan  
Ich bin müds, ich man nümme goan  
Cheet hüten d'chü, méin schienue chinn!  
Höit sicher nöit, muare s'mat sinh.  
Witten schiën weidu ischt héi in d'Mühni  
Un wittenz guts wasser lauft in disch süni  
Héi miawer röschten, wa nöit z'vill lahn

War müssun noch streeben unz ouf im Wahn  
Wi mu gsit wol van z'vuadruscht dan krüp  
Passrut an oare, loadnündsch ouf im rüch  
Wi hübsch ischt vlljückjen, ich vrüchte nöit  
Lugi ambri doa, lugi wass lljöit,  
Lugi wass ketschi, wass woalda, wass matti  
Lugi an den schopf séin gspreitnu patti.  
Phieri ischt hübsch wa z'khém'uart ischt mu wol  
Méin schiénu Mamma  
Ich süjen nuan dich wénn ich will machun nanna.

Irene Alby

## An oabe z'Éischeme

Va hëi woa ich mi vinnen  
tukzt i mitsch in d'Grüni,  
ouf in a Mattu volli Bllümi,  
hennich gsien z'Sunnun-Aug anti  
goan dschi lëcken i  
doa'mbor hinner z'Huare.



Den Oaben ischt um cheemen  
louteri un süssi, un d'Schat llëis llëis  
müntrut ouf wider den Groat  
das ischt noch volli Sunnu.

Wi in an traum khüerich  
z'Wasser laufen in d'Llëisu:  
is dunghmi z'luasen as Ksan,  
as lëns Ksan das nümme llëivrut.

D'Voggaltini hen gloan ab z'sinhen  
un sëin kanhen sühien z'Nescht.

Bëimer chind ous as Houfji Heert:  
mu gsit das a Scherre ischt noch z'Weerch.



Nunh den Oabe ischt zu  
un phend is dën Nacht.

As poar Vleddermöisch  
vllükhen un torrun dör un ta  
wi sturnu, ouf uber mäis Hopt  
in d'Luft das gën mia tuppit.

A schiene Moane zannit van in d'Vurku,  
der schëinit inter d' Lierchun Grampi.

Ich wëltime bürren wa ich ma nöit:  
z'fil Dinhi chieremer tur z'Hopt  
un tümer wieken ouf im Heers!

Als steit un het dschi kschueikht,  
mu gsit nöit as Blët stüeren,  
mu seiti das d'Weelt heji dschi kschtält  
un das z'Zöit heji dsci arächtrut.  
Sua tunich hëi nëiven,  
un wi ni hettudschu vür d'Auge  
widerleebich d'lënhu Joari  
das mien nümme arwinnen.  
Mi dunght a söiri z'goan hinner  
a Stul Joar, im junhen Tag  
wën ischt gsin d'Gsüntit  
un wën als ischt gën kanhen wol.

Z'Heers tümer petziun z'müsurun  
van dëi das nümme sëin:  
mëin Oaltu, mëis kschlecht,  
mëin Gsëlli un mëin vröina,  
ellj dëi das ich hen pniet  
un kschëtzt; as poar Trieni  
tümer nëtzen d'Allji,  
warom is dunghmi nöit koarjit  
z'nümme moan gsien  
ellji dëi lljbu Llöt  
das hen ündsch gloan vür gën.  
Vümmigi sëindsch? Oh vümmigi!  
Sëiru z'fil um dschi muan zëllen:  
wën ich dschi bsinnen eis um eis  
gschpürremer cheemen d'Grëimini,  
un z'Heers vültschich riekhun Eerbit!

An Klocku das streihut de Vergeb  
tumich nunh arwëkhen;  
d'Nacht ischt gvallen,  
ich mus mer machun Mut,  
is ischt Zëit das ich mi bürri  
um mi widerzin z'em Hous!

Albert Linty